

سوئد دۆلتی استکهلمین بیر مسجیدین میناره‌سیندن اذانین پخش اولماسینی قبول ائله‌دی

فقط جمعه گونلری؛

سوئد دۆلتی استکهلمین "بوت شیرکا" مسجیدی‌نین میناره‌سیندن فقط جمعه‌لر اذانین پخش اولما ایجازه‌سینی وئردی. مه‌رین وئردیغی خبره گۆره، استکهلمون جنوبوندا یئرلشن بوت شیرکا کومونونون مقاملاری تازالیقدا، بو کومونون «فیتیا» منطقه‌سینده یئرلشن مسجیدینه میناره‌لردن اذان پخش ائله‌ماغا اولتیه ایجازه‌نین وئریلمه‌سیندن خبر وئردیلر. اذانین مسجید میناره‌سیندن پخش اولماسینا فقط جمعه گونو ایجازه وئریلیب. بئله ایجازه‌نین صادیر اولماسی سوئدین سنکولار جامیعه‌سینده طبیعتاً عکس العمل‌سیر قالمادی. دئییلن ایدعالارین بیرى بئله‌دیر: مذهب آزادلیغی فقط مذهب سئچمه‌ده آزادلیق معناسیندا یوخ بلکه اهالی‌نین بیر مذهبی طرد ائله‌ماقدا دا آزاد اولمالاری معناسیندادیر. اذانین میناره‌دن پخش اولماسینا ایجازه وئرماق، مذهبی زورونان اهالی‌نین قوناق اوتاقلارینا قدر تحمیل ائله‌ماق معناسیندادیر. بو دا سوئد جامیعه‌سینه حاکیم اولان سنکولاریزم اصولونون ضیّدینه‌دیر. بئله اعتیراضلارا گۆره اذانین پخش اولما ایجازه‌سی بوت شیرکا مسجیدینده هله‌لیک موعلق اولوب.